

太上洞玄寶元上經

太上寶元上經一名源一妙訣又名自然經玉晨君所修五帝神旨祕大有之房傳元上真人也

太上曰大道浩浩其中有寶其實甚精莫信其榮其榮鬱鬱莫
儔其貴其貴甚尊莫齊其門其門无雙其戶獨立于能尋之无
欲直入有欲求之莫或能及少欲志慕感有差級法地則天守
道自然自然妙炁應以三位三位之源源本同實實以鎮虛文
以成質內外相須混而為一一接三才才人出類合德二儀拔
乎其萃由識本源守貨不失永保生生修之入室靜篤精思見
妙如日明來闇去消除死炁死炁稍遠生炁浸長長生不死是
曰得常常未即得恆當存知知常曰明不知常妄作凶凶資欲

道藏輯要

寶元上經

三

房集五
X上三

起貪爭相牽氛氳翳鬱罪障日堅心神亂惑災禍相纏智慧悟
此抑欲鍊心以清治濁以正制邪邪凶既去正吉惟新能成能
蔽與道合真也

自然源一應乎萬物為二萬物作復由乎四炁五行周流六虛
同歸宗一一為道子生二二生三三三一中有一有數無量一二三
四爰及五六學者所修以寡其欲欲寡私少道乃可弘是以聖
真尊一為主事二為師宗三為友親四為朋尋五為侶遊六為
常常六者合通不可離也侶五者思帝攜之宴也朋四者炁序
為體也友三者景耀同明也事二者法則天地也尊一者敬重
道君也君母道源无為湛存是无欲所明非少欲所習也少欲

之習如母守子是以上學敬重道君敬重道君者修存禮也法則天地者習生施也同明景耀者晝夜照覽也炁序爲體者行藏得時也思帝君攜宴者順王立功也六合常通者從道立德也從道立德者守靜清虛也順王立功者隨時賞罰也行藏得時者嘿語有節也晝夜照覽者研經內觀也習生施者係道種也修存禮者續立位也續立位者積學立功緣階入序道德備充昇立極也係道種者建善相生子孫傳業成性存存祭祀不輟也研經內觀者誦詠靈章解了妙義臨目思神與真合也嘿語有節者物順則行人忌則止固窮潛通蒙養正也隨時賞罰者誅邪輔正明道救俗抑揚取中无固必也守靜清虛者運值

道藏輯要

寶元上經

言

房集五
×文×

無爲無爲無滯三宮閑甯五神安靜也從道立德者无之與有適應逍遙滌除已辯立覽備周去來非我唯道是從出入爲物功德不去也能明此六由經有三三經者一以明天二以明地三以明人人道地道天道謂之三才才者裁也能也裁制偏邪同歸中正能反流末還至本源源卽道也道元尊也尊爲人首積善所宗闡塞得通總名三道本一應化分形上者清暢爲高下者安順爲貴中者合一爲尊尊貴至高名殊實一一實者不死不生不无不有殊名者上覆非載非覆中瞻雖周非覆非載由一切含炁无始中來自然有三不可頓一三者滯有著无又執不无不有而才有利鈍平識有初中未末者沉以求安中者

淨以祈濟初者飛以期甯遂有羣分類聚聚分之中共有利鈍
平大道弗能使之卽一緣其感來示以應往飛淨沉等各從其
宗故示之以乾引諸飛侶顯之以坤接諸沉類樹之以君統諸
淨徒聖君與天地合德善長分爲三元三元各有尊立號各
有所議况天曰帝地曰皇人曰王王者羣生往崇之也皇者含
炁大仰之也帝者一切的尊之也後感參差應化致異沉中有
淨淨中有飛飛行皇帝九土王號總稱徧名先皇後帝帝王合
舉隨時損增出自物情權化仍用求其本旨不可不明明天道
者由吾上經明地道者由吾下經明人道者由吾中經中經能
明明天明地明地明天未能明人明人者在中經也人貌丈尺

道藏輯要

寶元上經

五

房集五

卷之八

所行者仁縱復禮義智信備修則天法地亦未成人成人者洞
體中經中經有眞眞神有降降與己神爲一身又一身二神二
神一身混无分析常存不改乃成明人耳眞神者大道妙炁應
感爰臻與己神合无復分己身素有无始至今今功備充此
神會道道神合同身亦符一一則妙絕非凡眼所見故謂无形
非无妙也聖則見之見之卽合合而言見明洞了也內視無外
非如在外覩內也見妙由无欲无欲令忘言言既可忘存戒寘
欲日損之訓得之者眞寘欲之流回向正道仰觀上天俯察下
地然後內觀洞曉中也洞曉中者存三一也存三一者先觀天
文次察地理也

觀天文者依吾上經天文者三光也名爲觀者占三光也三光者日月星也周睇三道推步璣衡曰往月來回旋无極歲及熒惑太白辰鎮行常爲戒示禍顯福北斗九星二隱七章皎昧相表斟酌立津潤洽含炁生成无央觀春之詠十有六篇也陽律陰呂唱和調通繼朔十二炁蘇爲端立春春分立夏夏至立秋秋分立冬冬至八節克會屬於八音相資繼用觀夏之詠暢篇二十而火以扶木爲禮木以生火爲仁春以萌育爲德夏以滋長爲功律呂既協八音亦諧三光无忒歲序宣明攝此朔節謂之爲年是爲屬天天於第一章分爲二者廣生養之前進引養生也地於第八十一章合爲一者據殺藏之後退避刑殺也不

道藏輯要

寶元上經

三

房集五

得无此進退是以證明優劣優者賢哲所習劣者愚瞽所行標此感激發悟迷蒙能曉覺者識度曰精殺藏可无生養可一一降涉數示物定名名不能目非數所拘是以在於五九之中又出四九之外自古及今其名不去是以上經三十七章也

察地理者依吾下經地理者三色也名爲察者候三色也三色者土山水也歷覽五方十支位次甲乙丙丁戊己庚辛壬癸子丑寅卯辰巳午未申酉戌亥此二十有二以爲秋詠嚴明分段不相參雜也次豫兗青徐揚荆梁雍冀九州也太山衡山華山恆山嵩山五嶽也江河淮濟四瀆也四海環迴州土山水分支干二十二又二十二章以爲冬詠崑崙極中鎮四序之際四十

五章是爲屬地推功歸天揖歛讓上則下有四十四章矣

夫源一分爲二儀天地名曰兩半兩半之中炁序有四一者正陽春炁生也二者陽中之陰夏炁長也三者正陰秋炁殺也四者陰中之陽冬炁藏也四序周而歲功成三光迴而天德顯是以上經有春有夏有仁有禮有木有火有和有明下經有秋有冬有義有智有金有水有順有敦有信通土周遍合會二經二經開位示明二儀各有上下以標四序五千其文以究五行生育无窮合德成功數極乎九四序因天仍以相乘四九三十六是以道經三十六章五形緣地相乘法天五九四十五是以德經四十五章天地炁交兩九相乘九九八十一是一篇有八十章

道藏輯要

寶元上經

三

房集五

×₁/₈

一章天有八十一府地有八十一城人有八十一部各有神明通則得道得道通神由法地則天天无爲而无不爲陽唱而陰和地无成功推德歸天天分首章以明獎成之旨无欲无爲開常生不死之路也地合後章以明謙讓之風與利不害弘上德不德之化也凡不欲而自正爲善而不爭不爭則善成善成由玄獎獎之以謙知未守本玄覽无疵其術无上是以前學此之傳皆號无上真人也

凡學無上之法仰觀天文俯察地理天地之本本无形也無形者是道也應物成有有形有名名天地者道之孫一之子也道生一元炁也一生二內曰陰陽外曰天地也二生三內曰和炁

外曰人也三生萬物陰陽交和三炁分布隨分貸與萬物羅陳
人得和炁多故曰二生三三炁廣贍人不得爲萬物父母是以
同天地爲父母人之主至貴號曰天子一之孫道之曾孫也有
道德者堪爲國師天子尊之皆稱曾孫也天形資无一得生生
形之大莫過乎天抱一不離故天字一大也无形生有形有形
始无形以始爲父以養爲母母父德合合炁物成物成昇上上
天歛之引接引納似如天也音訓曰先又曰顛又曰玄玄則懸
空虛映在物上顛爲羣生之先故曰天也土者吐也縱橫三一
下上現上生出一切似如吐也又曰地也音訓觀第又曰隸又
曰齊廣大配天與天齊德接隸仰屬引物觀尊人物法之柔順
道藏輯要

寶元上經

三

房集五

×××

守靜和而不唱謙下成功功成不居貴賤前後次第分明正而
不邪以治濟亂緣漸歸天故曰地也天文清明地理甯平是其
常也不明生妖不明發怪非其常也非常之兆非天地所爲爲
之欲以戒物賞善罰惡顯彰非常由人失法法不法地妄動違
天天地妖怪戒語之也仰觀俯察占怪候妖妖怪各有所主修
德立功則消能知改惡唯善是從爾乃法地守靜篤也運至應
動動則則天則天之動動以入道入道之由由於抱一抱一无
惑三一可明明三一者與道合真真人學之堅存三一三一者
天一地一人一是也又名上中下三元一也又名玄元始太一
也天一在吾上經地一在吾下經人一在吾中經中經內觀別

自有經經所以有三者自然三炁所生也大道妙炁一中有三陰陽和立元始上中下自然而然莫能使之然莫能使之不然故謂自然三炁也上下二經亦別有文文所以五千者道生三炁三炁生萬物物終爲一道始又一合此三炁五數立焉道之一炁非是陰陽和而位居三炁之上物之一炁亦非陰陽和而位在三炁之下三炁之下有三而麤三炁之上有三而妙妙炁无色罔色稟之而成麤炁有色色雜亂而昧昧者待妙降而得明明昧輪三炁以運用運用隱顯五位遂成天地二儀運用三炁一變至極曰十十變至極曰百百變至極曰千數極則變變不過三三精在道過則在物萬物變麤求精還三三變濟物五

道藏輯要

寶元上經

无

房集五
YXX

性以成故五千其文理周遍也理有始終文有次序所以道可道爲首者舉源本以攝流末也无欲有欲與善惡共章分爲二者无欲則見妙長生有欲則滯麤致死死生由人本心心識優劣永異此明其大較故分以爲其次此明細事事在善惡善惡可息以開有心有心未能頓息无欲不卽可登欲无欲者實欲少知知善爲不善故忘之以息欲息欲之方先資省事省事之要取實去華除其虛妄故次之以不尙賢去尙救俗故次之以道冲而用之凡萬物云云一生一死未得長存恆崇常住常住之道无祖无先應化隨時无窮无極初清則行不言之教後澆則言象互陳近情未達遠旨每滯言象以沉淪故首章先遣言

名使知常住非名言所盡得常住由於名言名言非常住之體
本寂應動真假有殊權實眾妙同出玄門而眾生无始中來有
其心識識神不滅身有死生生死之苦煩惱識神一混一分紛
綸无極自非斷結勇猛超羣增長善因功德勤積者莫由免生
死之痛生死之痛由於出入有欲最深累罪纏縛慙欲无
欲微善得生生樂滯著愛欲相湊不能斷割廣興善場懈怠狐
疑惡根滋盛生事不成死痛又及年命淺促憂畏延長皆從欲
來故先明無欲有欲有欲之禍在於善惡心耽各異過報成災
捨惡就善善惡未明往反倒見以美亂神己之所美未必是善
善善在己又乖道心道心去著抱實任真不空企尙杜絕競風

道藏輯要

寶元上經

卑

房集五
X之三

嘿識潛習不起驚疑信順三寶藏智忘功能如此者可與適道
故章開三變之後明道冲而用之而道無形狀假言象以爲津
既言冲用用實无物无物之物在帝之先在帝之後者宜法後
以歸先故次明天聖可法天聖法道凡宣法聖法聖非形力所
造必須神思精勤日進然後可登玄峯神不可擾故次之以谷
神養神所之至於不死不死之妙克與道同同道乃爲天地根
爲天地根又與天地合合則救物有方證不求而自得故次之
以天長地久長久之果柔順是因故次之以上善若水水加之
則盈溢澄之則清映故次之以持而盈之不盈之趣在功成身
退退之所居居乎不二故次之以載營魄抱一抱一成乎玄德

玄德生而不恃而物自歸之故次之以三十輻物宗一用空空
貴无色色欲難除故次之以五色去外浮華得內真實時止則
止時行則行行藏爲師又當世位進退宜明故次之以寵辱寵
辱皆驚則昇降无滯防禍匪懈萬福惟新自下之高天下託之
天下託之必能體道道妙无形故次之以視之不見知道三一
執古御今執古御今在上爲聖王在中爲聖臣在下爲聖民聖
是積善所成故次之以善爲士者士者事也上中下共以善爲
事也善士體古習學在今今學同古守靜不殊故次之以致虛
極知常同道可左可右可下可上可王可公同天同道永保久
長隱身不殆顯亦不危矢此道者德有劣優故次之以太上太

道藏輯要

賈元上經

聖

房集五

上之章是春詠之限分上引下開數推移移太上爲夏詠之始
齊至虛爲十六之終太上之應出生就養養之使成成乎歲標
况節朔符於光景形神據乎崑崙崑者輪轉化導長生不死故
在養章之中崑者混合還真故在生章之內內隱外安不危不
殆安隱常存幽顯所附世罕能守之故次之以大道廢失道爭
能競崇外迹使還內習故次之以絕聖自習存中光而不耀師
資謙嘿消患禳凶故次之以絕學外競既息內无爭心大无不
包故次之以孔德之容忍辱下流不辭所存者道故次之以曲
則全曲而能全自然之理可以心得難以言宣數窮可避守嘿
可弘故次之以希言希言嘿識杜虛慕之萌故次之以跂者不

立不自矜伐則稱有道有道之道在天地先故次之以有物混
成混位爲前應化爲後分爲四大四大有方相次垂法貴靜爲
基故次之以重爲輕根重靜得中外迹无轍接救无棄師資和
同故次之以善行師資同道知剛知柔柔剛相濟復歸於樸樸
不常混運開則散散又應合故次之以知其雄守其雌能雄能
雌濟用官長得中去奢泰守无爲故次之以將欲取天下樸散
稍亂不獲已而治之治之不可以兵強故次之以以道佐人主
不獲已用之用之有功功遂則退不可翫之故次之以佳兵深
知不祥捨之合道道體隱退退位无疑疑滯既遣天下不能臣
在位王侯不矜居上守利物自實故次之以道常无名能令物

道藏輯要

寶元上經

聖

房集五

自實者則與天地合德甘露既降天下太平遇斯之由由於自
知自知則知足知足則不亡故次之以知人死而非亡託化隱
景神與道同出沒自在隨感而應故次之大道汎兮應物无方
所得有在在乎妙炁炁妙无形有形有妙故次之執大象物之
所宗能得此妙引誘蒼生抑揚有法故次之以將欲歛之張歛
得中利器常隱爲而非爲終與道合故次之以道常无爲无爲
而无不爲物作則鎮之以樸樸既無欲天下自正正則永與道
合合則言忘忘言在正正以正邪故歲功成熟節朔周通四炁
五行乘爲二十地不矜功弁德在天一章爲年故二十有一春
則四炁自乘以明首德得專專合四炁故十六在前包羅秋冬

欲內同生養外其殺藏使其謙退捨陰還陽兩半歸中厲剛伏之麤和柔通之妙故成歲在上上含乎下下德之極終稱上焉上德之人化導殺藏迴向生施降躬率下下麤自殊能妙則上合矣

地是天之分形德是道之出應物有階漸現形同人人能覺悟習此上德德上同天還與道合故曰德經以上德爲首首引後生今其得道得道无失號爲德焉德有優劣上中下品廣明其義次第相須超卓緣漸各有其方今應法古故次之以昔之得一一爲應主主一應萬萬有所宗宗一宜守守之不動動與俗反反俗還道故次之以反者道之動反者途達中達既易故次

道藏輯要

寶元上經

三

房集五

之以上士聞道聞道勤行必至源本源本宜知故次之以道生一和本源保和乃合故次之以天下之至柔柔者謙退不競競功名者身亡神散故次之以名與身孰親茫茫守道於俗不足故次之以大成若缺缺僞全真除禍納福故次之以天下有道道无不在內觀反求得之在心故次之以不出戶出戶求益麤而乖妙督其悟斯故次之以爲學學華可捨損欲念真順物通礙不滯恆情故次之以聖人无常心心以赴感感來則應應非我求心无此欲適通无方動靜唯道道應之形號之爲聖學道積德亦號聖焉二聖來殊同歸一致致心濟物接生度死死者能改悔則還生生者能攝養則不死死生由九竅四關故次

之以出生入死死中願生宜識源本故次之以道生之求生得
生生多事事有始終防理用術開塞有方故次之以天下有
始始常明終明終恒開闡資明濟故次之以使我介然能行大
道者光內晦外深根固蒂子孫无窮故次之以善建不拔修身
至乎天下懷道以全其真故次之以含德之厚嘿識勤遵守之
不失故次之以知者不言不言之言言以救物除邪定亂故次
之以以正治國終貴无爲不顯繁法故次之以其政悶悶過去
无極當來无窮現在无央過去善者思存學之以自救援其不
善者願念拔度同登道場當來无窮精籙叵測不得枉之現在
无央尊卑相涉善者立善接之共善同得昇濟惡者化之俱乘
道藏輯要

寶元上經

醫

房集五

又又又

有言慈哀爲本本立道成人罕能明故次之以吾言甚易知凡
闇不守其分妄以不知爲知故次之以上知不知愚者失道不
測神靈不知尊重觸冒致災故次之以民不畏威凡夫執心不
能無爲爲惡而不爲善勇其所爲故次之以勇於敢勇不得其
所勇故次之以民常不畏死上以風化下下過由上風故次之
以民之饑生以食爲本本以道爲主主以柔弱教故次之以人
之生也柔弱弱中有強弱能強道道強者和同在中故次之
以天之道其猶張弓中和柔弱能勝麤剛取證明實故次之以
天下柔弱莫過於水爭強則仇對相牽麤和不及無爭故次之
以和大怨無怨常善天道與之恆自小白冥然後保大居多故

道藏輯要

寶元上經

聖

房集五

次之以小國寡民世俗美辭華而無實道之信言實而不美明
者取實捨華故次之以信言不美本與聖人不積各章合之以
明與人已愈多終歸天德故利而不害人道之極爲而不爭不
爭之德少能全之是以慤慤誘引開導以下昇高迴卑同尊捨
滯惡以從通善寔由乎五千文文千以五五德備充闕一字者
理不全焉是爲道本生乎太空空而不空无中之有有妙无敵
化育羣生生生之根謂爲混沌无形无形无狀无狀之狀不可
以意知意知由文文以達意意不得拘文文簡不得究意意在
文外明者研精之畧舉一隅反三由智德之士矣

道炁玄妙无祖无先无始无初无極无窮无心无欲无事无爲

沖瀆澄淡泊然湛然不清不濁不減不增含容无量一切有无
悉妙不可得汙形立不可得言強字曰道號爲无形无形之中
含一切形一切形混稱曰混成成生一切无數无鞅大而分之
常用以五一日无二日有三日无中之有四日有中之无五日
非有非无非有非无妙炁也有中之无精炁也无中之有始炁
也有者元炁也无者立炁也立元始炁分精共妙五中之三三
中之五三五混合无累无傷善成无棄總號道源源本有五以
應五方北水東木南火中土西金天地未張五方未分水木火
土金其炁相合極感而應應隨次章一切同感在闇思明從混
願別厭死樂生樂生不能自生願別不能自別感極道應應之

道藏輯要

寶元上經

巽

房集五

以一一爲道子元炁先臻故曰道生一一生二陽炁前唱陰炁
後和二炁相須由乎元炁故曰一生二二生三陰陽合會和炁
交通三生萬物立元始分於是天覆其上地載其下人列其中
萬物參羅三才相輔同歸崇道道有三官上有天官下有地官
中有水官道委三官不立別職物附三才无復別司人僚唯三
互相統攝導末歸本大畧是同引善抑惡細法舛異異終還同
同在聖誥誥有權實精者得真真經要旨智慧爲先藏明潛用
聖德乃成成由學解解由研尋尋理盡性委之上人上人之基
識三守五能知三五橫行天下所適必通无復挂礙三卽陰陽
和立元始也五卽水木火土金也三炁未分謂之爲混五行未

彰謂之爲沌混沌之源其圖如左

第一內號曰源外號曰自然此炁最妙尊无上也

第二內號曰混外號无極

第三內號曰沌外號大道

第四內號曰溟外號至真

第五內號曰濛外號太上

第六內號曰濛外號老君

第七內號曰頽外號高皇

第八內號曰始外號天尊

第九內號曰元外號玉帝

道藏輯要

寶元上經

聖

房集五

第十內號曰立外號陛下

右十號三十字十字分應十方或兼或單相似而異皆由感有參差是以尊號分別開悟善心因名達理知之者不死解之者長生遇賢當必口受非人慎勿宣也